

کتابخانه

آبونه شراعتی : هر بر ایچون
سنه لکی (۴۰۰) الی ایلی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدرد.

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونمسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور.

پاره کوندردلکی زمان نهیه
داثر اولدینی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

نسخه سی ۷۰۵ غروشدرد .
سنه لکی ۵۲ عدددر .

اداره خانه : باب عالی جاده سنده
رشید افندی خانده

اخطارات
آبونه بدلی یشیندر .

مسلمه موافق آثار مع المنونیه
قبول اولنور . درج ایدلین
یازیلر احاده اولتماز .

اجتماعیات

یو کسک معنویات

جمعیت بشریه یی اداره ایدن قوتلرک اک مهمنی بشریت ایچون یکانه جهت جامعه اولان معنویات تشکیل ایدر. معنویات حیات ایچون بیوک بر احتیاجدر. بو احتیاج انسانله برابر دوغمش و مختلف تکاملله تابع اوله رق انکشاف ایتکده بولمشد. موضوع حقنده (کوستاولوبون) دیورکه «انسانی اداره ایدن یالکیز احتیاجاتی، حسیات و احتیاجاتی دکدر. انسانلرک امیدلرینی و تخیلاتی اداره ایچون بر اعتقاد لازمدر. انسان اعتقاد لزومندن اصلاً وارسته قالامامشد.

انسان حقایق اشیائی تفریق و تمیزه کافی عقل و ذکا ایله متصف اوله رق خلق بیورولمش اولدیغندن موازنه عقلیه نتیجه سنده مادیات ساحه سی اوزرنده مؤثر اولان قوای معنویه یی ده کشف و استدلاله مقتدردر. کائناتی تشکیل ایدن موجوداتی علوم طبیعی ماده و قوت نامیله ایکی یه آیریور. تعریفه نظراً مکوناتک بر جزء فردی اولان انسانده بر طاقم میخانیکی و مادی حرکتلره او حرکتلری وجوده کتیردن قوتلردن خالی اوله میه جقدر. بشریتک قوتی، قوه معنویه سی؛ تجلیات و تظاهرات میخانیکیه سی ده مادیاتیدر.

موضوعی تنویر ایچون هر هانکی بسیط بر فعل مادی تصور ایده لم. فرض ایده لم که، بر انسان ایلله یرده بولنان بر شیتی آلیور. بو بر حرکتدر. فقط مختلف صفحاتدن کچمک صورتیله تظاهرات ایتشد. ذهنده حاصل اولان بر انطباع یا خود طبیعی بر سوق احتیاج مفکره یی متحسس راقیور. حسیات، ذکاک یاردیمیه خیال شکله کیریور بوسورتله فکرده جانلاران حسلر موازنه و محاکمه نتیجه سنده قراره، قرارده اراده صفحه سینه انتقال ایدیور و انسان الی قالدیره رق مثلاً یره دوشن پاره سی آلیور. واقعا حرکتلر مزده بو صفحاتک مختلف ادواری حس ایده میورسه قده هیچ بر حرکت شعوریه بو صفجه لری کچیرمدکچ. تظاهر ایده مز. حق الی یانان بر آدمک غیر اختیاری بر صورتده جسم، مؤثر دن الی چکمی بیله آتشک و یردیکی اذاک تأثیریه فوق العاده سریع بر حالده تحصیل ایدن ادوارک محصله سندن عبارتدر. دیمک که، الله مادی ظن اولنان حرکتلر مز اوزرنده بیله مؤثر بر قوت موجوددر. ایشه بو قوت حیاتی و روحیه درکه معنویاتی حس ایدر. و مادیاتک معنویاته مربوط اولدیغنی استدلاله کچیکمز...

احوال مادیه انسانیه نک نتیجه سی اوله رق یا بر فائده ظهوره کلیر، یا خود هیچ منفعت استحصال ایدیله مز، بعضأده مطلق بر ضرر حصوله کلیر. ایشه بوارج احتمال افعال مادیه نک استناد ایتدیکی معنوی

اساسلره کوره تجلی ایدر. شخصی و عمومی بر فائده یه تاند حس و خیال و اراده نک محصولی مثبت ظهور ایتدیکی قدر نفسانی، اندفاعی، بهیمی غایله ره منتهی حرکتلرک محصله سی ده مطلقاً منفی و ضررلی بر شکله تجلی ایدر.

اراده لری مثبت و فیضلی ساحه لرده فعالیتیه سوق ایده جک قوت معنویاتدن بشقه برشی دکدر. معنویاتک کالی مادیاتک ده کالی موجب اولور.

حیات فردیه ده ایضاً صددنده بولندیغمز اشکالده تبارز ایدن معنویات حیات اجتماعیه ده دها عمومی و شامل تأثیراتی حازدر. بر انسان معنویات احتیاجندن وارسته قالامدینی حالده، متعدد انسانلرک کتله لر حالده تشکیل و تأسیس ایتدکری هیئات اجتماعیه نک بورو حدن اوزاقلاشه میه جفی طبعیدر. معشری حیاتک رابطله لری، نقاط جامعه سی معنویاتدن عبارتدر. قوت، ثروت، کبی علاقه لر جمعیتلرک بقاسی کافل قوه نأییده عد اوله مازلر. چونکه تاریخ نیجه مستبد حکومتلرک، نیجه زنکین مملکتلرک محو و انقراضه اوغرا دیغنی قید ایتشد.

هیئات اجتماعیه لرک یاشایه بیلمسی ایچون اجتماعی، و معنوی انضباطک تکمیلی لازمدر. اعتقاد، اخلاق، فضائل و جدانیه، لساند اجتماعی مبدألرینه استناد ایدن حیات جمعیتک بو اساسات خارجنده کی تجلیاتی مطلقاً تردی و انفساخ ایلله نتیجه پذیر اولور. بو، نقطه دن بحث ایدر کن کوستاو لوبون «انضباطک اهمیت اساسیه سی، اقوامک آنجق انضباطی تأمین ایتدکدن صکره مدنیتنه واصل اولدقلى و انضباطی غائب ایدنجه حال وحشته عودت ایتدکری کورولدیکی وقت میدانه چیقار، دیور. قامیل ژولیان «وطنلر ناصل اولور». سرلوحه لی اثرنده مستقل قالیبا حکومتک اجتماعی انضباطسزلتی یوزندن محو اولدیغنی قید ایتدکدن صکره هیچ کیمسه نک عدلی، مالی، اجتماعی روابطه اتباع ایتک ایسته مەسی و بو مبدألرک متادیا کسر اولنسی نتیجه سنده سه زارک غول قطعه سی قولایجه فتح ایلدیکی علاوه ایدیور. روابط اجتماعیه نک خللدار اولمسیله برابر تدنییه باشلایان قدیم یونان ایلله رومانی ده دعواملرک برهانلری میسانده تعداد ایده بیلیرز. عالمه تشکیلاتک عمل طاشی اولان قادیلغک عصمت و صداقتی عمده سی اونوته رق اخلاق اساسلرندن اوزاقلاشدینی و بو صورتله رومالی و طنداشلرک تربیه ابتدائیله لری تردییه اوغرا دیغنی زمان روماء جهانشمول شهرت و حاکمیتی غائب ایلش و سقوط اخلاقی باربار استیلاسی آلتنده پارچه لشمسه اک مساعد شرائطی احضار ایلشد.

بو تاریخی مثاللر کافی بر وضوح ایلله اثبات ایدیورکه، تمدن و ترقینک یکانه معیاری معنویات، اخلاق و اجتماعیاتدن عبارتدر. فی الحقیقه حیات فردیه ده اولدیغنی کبی حیات اجتماعیه درده هر زمان

دها بارز بر صورتده تجلی ایدن تردیات اجتماعیته اوکته کچمک ، ترقیات عصریه بی اقتطاف ایده بیلیمک امیدینه دوشمک بر خطادر . مدنیت عصریه تک اقتضا ایتدیردیک دواملی و مدید مساعی به بارلرده ، دانسلرده دوامه امکان وارمیدر ؟ ذوق ونوش ایله اعصابی کوشه مش برکسه ارزو ایتسده جوالیت فکریه بی حائر اوله ماز بالخاصه هر دورلو لوازمات سفاهتدن چوق اول محتاج اولدیغمز علمی ، سناعی فعالیتلرک نقطه استنادی ، ده دوعریسی یکانه قوه محرکه سی مقامنده بولنان عزم و متانت آنجق ایمان ایله مشبوع بر محیطده تکائف ایده بیلیر . هیئت اجتماعیته مزک تشنه بولدیغی ترقیات عصریه به اعظمی سرعتله وصول امکانی مایاتک اسالاسی اولان عزم و ایمانی تقویه ایتمکله ممکندر .

میزات ملیه تک ، اخلافک ، دینیزک محافظه سی اجتماعی تهلیکه لره قارشی الک موافق مدافعه واسطه سی اولدیغی قدر ترقی و کمالانک ده الک قوتلی تمایلدر . الحاصل حربده مدافعه وطن ایچون ، صلحه ترقی بی اقتطاف ایچون یکانه چاره ، یکانه دستور شویکی کله در یوکسک ایمان یوکسک معنویات !

حسن حکمت

مدرسه لرده انقلاب کبریور !

مدرسه نشینلرک فلسفه فکریه لری « عالم حادثدر » دییه بر دعوی آچقدن و بودعوی « چونکه متغیردر » دییه تعلیل ایتمکدن عبارتدی . مدرسه لک علم کلام کنابلری هب ، بودعوی ایله ، بو دلیلک جرح و تعدیللریله طولو ایدی . بو مسئله ، سنه لرحه کنندیسیله اشتغال اولنان بر موضوع ایدی . مدرسه لر ، کائناتده هر شیئه حادث ، متغیر ، انقلابیه محکوم نظریه باقیوردی . فقط ، کنندیسنک ده کائناتدن بر جزء اولدیغی ، بو فلسفه موجبجه کنندیسنک ده حدوثه ، تغیره ، انقلابیه محکوم بولندیغی خاطرینه کتیرمیوردی . بو صورتیه ، کنندی فلسفه سنک طوعریاغنه بالذات کنندیسی اینانمیور کبی کوزوکیوردی . حربلر ، اوکا ، ساز هرشی کبی ، کنندیسنک ده حادث ، متغیر ، انقلابیه محکوم اولدیغی اکلاتدی . بر قاج بییک طلبه سی واردی کنندیسنک یالکز استانبولده کی مقداری بر قاج یوزی متجاوز ایدی . هر برینک اصغری اوله رقیون ، اوز بش قادار حجره سی بولنیوردی . طلبه ، کم بیلیر ؟ نه قادار بریکون تشکیل ایدن بو حجره لره صیغمیوردی . سنه دن سنه به کن طلبه تک ، باشی صوفه جق بریر بولماسی الک مشکیل بر مسئله ایدی . بر حجره ده اصغری اوج ، درت طلبه اقامت ایدیوردی . طلبه تک ازدحامی خانلری بیلر بر مدرسه حالیه کتیرمشدی . درس و کالتنده حجره دعوالری محاکمه کی حقوق و جزا دعوالرندن چوق فضله ایدی . سنه دن سنه به اجرا ایدیان حجره توزیعانی استیفاف و تمیزه تابع دعوالر کبی اوزایوب کیدیوردی .

وقوعی محتمل اولان بحرانلراشانسده ملتلی قورتاران آنجق سجه لری و قوه معنویه لری اولمشدر . ایش مدافعه مملکت ته تعلق ایتدیکی زمان ولوکه دنیانک خزینه لرینه جهانک وسائط مادیه سنه استناد ایتسون هیچ برملتک سجه و اخلاقک اقتضا ایتدیردیک قوای اخلاقیه ایله مشبوع اولد قچه یاشاملرینه امکان یوقدر .

قرون اولی و وسطی تاریخلرندن صرف نظر ، یالکز مجاهده ملیه تاریخی بو متعارف تک ، یکی و اک جائلی بر مثالدر . جهانک مظاهرت مادیه سنه استناد ایدن یونان ، مالک اولدیغی مبدول وسائط حرییه و تحریرییه ، بتون آوروپا صرافلریته کیشیه لرینه قدر دایانان مالی منابعه رغماً ، طویسز تفنکسز ، پاره سز فقط ایمانی قوتلی ، سجه سی تام ، اخلاقی یوکسک و کالات انسانییه مالک اولان محترم ، ملتیز قارشوسنده سرنگون اولدی . وسائط مادیه ده کی ناقابل قیاس نقصانیه رغماً حق حقیق تک ظفری آنجق معنویاتک و ایمانک قوتیه ممکن اوله بیلدیکی انکار قبول ایتیز حقیقتلردندر !

کوستا و لوبون ظفر مزدن بحث ایدرکن عیناً دیورکه : بر فیلسوف ایچون ، مسلمانلرک بو یکی طرز حرکتلری بیوک بر درس عبرتدر . چونکه دنیایی اداره ایتیش اولان قوای دینه تک الان دخی ناصل اداره ایتمکده اولدیغی کوستریور [*] .

بر غرب عالمی اعتراف حقیقه سوق آئیده کی سوزلرده ده انطاق حق موجوددر . « دینی فرضیه لر ، علمی فرضیه لره قیاس ایدیه بیلیر . ایکنجیلرندن واز کچمک نه قدر مشکل ایسه برنجیلرندن واز کچمک ده اودرجه کوچدر . بتون معلوماتلر مزک اساسی ، علمی فرضیه لر اوزرینه قورولمشدر . بتون مدنیتلرده دینی فرضیه لر اوزرینه بنا ایدلمشدر ، مادامکه کالات مادیه تک متوقف علمی کال ایماندر . شو حالده مدنیت حاضر تک علوم فنونه ، صنایع مثبت سندن استفاده ایدرک نائل رفا ، و ثروت و اسباب مدافعه اعتباریه قوی الشکیمه بر موجودیت مالک اولمق ایچون یکانه چاره اوله رقی دیندار ، سجه لی ، خلوق ، متساند بولمق مجبوریتنده یز . بومفهوملرک وجه مخالفی اولان مسامحه کارلق ، متردیلک ، لاابایلیک ، خودبینیلک هدف اصلی بی تشکیل ایدن ترقی و تجدد ، عمران و رفاه ایچون تام بر انکلددر .

بوکار رغماً غریبک فضائلی رینه هیئت اجتماعیته مزه فرجه باب دخول اولان فضایح و ردائلی تربیه ملیه داخلده هیچ بر مانعیه اوغرامقسزین . اجرای تخریبانه فرصت بولمقده در .

دانسی ، قساری ، قادینی لوازمات مدنیه میاننده عد ایدن ذهنیت اجتماعی موجود قالدقچه ، هر کون مطبوعات سستونلرنده بییک دورلو اشکال التنده ینه بو اجتماعی فوضالر رواج بولورکن

[*] جهان موازنه سنک بوزولسی : جلد ۱ ، صفحه ۴۸